



詹鐵牛詩集

于路吟

鰲水詹賢



誤

卷之一

永豐縣舟中

江流宛若珮珊珊
雨霽峯明倍解顏
浸到輕紅沉遠
樹皺來新綠映平山
鷺巢松杪驚風散
泉瀉岩邊撞石還
幾片晴霞隨岸舞
共疑紫氣出函關

百花洲

數椽棲湖島
天然岸接橋
開花爭艷冶
舞草鬪苗條

客雅頻留韻僧閒自息
名藍鐘磬裏萬念對香消
其二

破暑閒尋勝涼侵透骨
清犬迎會識面鳩唱各呼名
曲徑如通巷迴廊似列城
最憐三二月撩亂不勝情
其三

每是騷狂客風流萃此間
朱絃調急管綠醴潤雕欄
葉亂林邊响魚遊水上閒
挾姬忙問酒彷彿坐巫山

其四

浮山宜晚眺蒼鬱有無中
樹杪煙綃掛石痕露綴通

疎星宵散火新月夜懸弓
個裏饒叅悟紅塵一抹空
其五

傑構成三載遊人悵望心
荒苔輕點逕老樹漫欹岑
丹壁紅徐墮朱梁黛欲沉
正愁鶯燕啞遙動子規吟
其六

白睂先得句幽意拉人俱
引滿杯浮鴈聲嬌曲聽魚
吏閒仙足並琴靜崔相如
最愛臨池翰條然晉代書
其七

勝事成陳迹風流竟莫憑
荒亭虛得句破艇尚懸罾

徐榻塵驚燕婁粧翳鎖蠅香鈿同客塵一樣感懷興
其八

東湖天放巧小築傍新隄怪石明篩雨低松暗拂泥
月寒蝦怯釣雲散雀爭犁恰有騷人過相將共品題

其九

縱觀殊洒落詩料染霜毫既斷雙橋續方平一嶼高
竹飛青帶日柳亂綠驚濤比作錢塘勝吉光片羽毛

其十

脗合幽岩致何妨鬧市邊棘闌秋爽動蘭若雨花旋

設檻嚮含露編籬小護天問誰忘一切夢與白雲眠

章門別同年丁俊升

春風不爲錦帆開款乃聲中共往回沙鳥若驚人面
改江流如訴客心哀晝長煙艇濤邊靜秋爽雲綃腕
下裁歸去雙龍和匣吼劍光斜逐斗牛來

和宋牧仲大中丞過北蘭寺韻

開府饒清興耽秋訪北蘭飄旗明遠岸響屐映回湍
閣聳紅塵悄亭閱白鳥安名藍招節鉞爽氣綴晴巒

其二

漫說空無任因之梵作堂朗吟隨築曠狂嘯逐籬長
水動萍分綠松鳴樹落蒼飄揺花雨下兩腋載新涼

其三

四望餘葱鬱白沙玉一林鴈排天作字鶯囀岸鳴琴
向日當年願瞻雲此際心怪儂菱苻草踪跡任浮沉

其四

寒篁歌曲徑踈小自亭亭日色泉涵赤雲容樹鎖青
敲枰拈玉子彈譜按琴星最是傳三咲環溪更可聽

出北門

一枕方酣報曉晴征輶催上夢初驚愛予温日疑懸
鏡咲我春山似列城蛙鼓亂敲田奏響鶯簧輕弄谷
流聲杜鵑花放紅如許白眼憑他送客程

宿新墟旅店

茆屋臨流野與孤燭光沉水浸青蕪安瀾鋪得平如
掌獨對長江酒一壺

舟過李家渡感懷李載陽先生

先君昔遊其門

翁鬱今無恙臨流寄遠思金針能繡鳳銅鉢未成螭
意氣如雲結文章望斗瀾更餘風雨意九地恰分携

其二

憑吊伊人處當年亦偉哉秋風催早桂晚氣逼春雷
劇縣鳧能化西臺豸可裁青蓮誰嗣響遙動子規哀

丁橋道上

四望雲初接晴光歛不開燕刀裁細雨鶯管和輕雷
樹以煙爲護山因霧得陪平坡風刮處香落誤殘梅

山碭

一幅雲林畫端然寓目前馬蹏忙夕照鴈陣怯長天
山瘦能存骨草枯盡褪妍朔風紛墜葉宜化蝶蹁跹

硤石嶺曉發

茅店初離月半斜冷霜如縷散平沙誰教楓葉紅千
樹直向孤岑伴曉霞

謁忠節名賢祠

宋大中丞建于東湖之右祀四十人

峩然廟祀列駕行英爽催人亟表章化碧久迷燕市
血畱青猶烈豫城霜九天咳唾忘同異奕代威儀互
激昂自此籩罍皆浩氣共陪湖月漾寒光

章江門早發

歸時舟卽去時船兩度憑流畫鷁騫晴日有心消白

露野雲無力散青天難工鴈字由寒削偶亂鷗盟畏
水眠清照不堪臨瘦影洛神相對晒芳年

蛟湖旅夜喜鄰家送酒

野屋誰教酒送痴坐銷銀燭夜遲遲烹調出自何人
意想見殷勤下指時

富城道中苦雨

果是春無賴寒風掠面凄紅桃酣宿雨綠麥覆層泥
水漲迎天碧山濛拉霧栖誰畱長短句燕和子規啼

謂徐孺子墓

墓爲宋大中丞重修

隔窻啼鳥喚遊梭漫以春情鎖薜蘿剩有豪懷詩裏
訴曾無韵事客中過凌青塔頂舒長嘯激綠墳頭吊
短篆知已尚饒千載後一亭清節傲鳴珂

燕巢

天然結構羨烏衣鬪採春紅侶共肥細啄香泥遮夜
月倦眠禪室聽朝暉社來花雨沾翎瘦秋去江雲掠
羽微却咲同盟鷗與鷺一湖煙水傍漁磯

餞春

纔鋪草綠住名藍又逐歸鴻杖遠擔叩佛有靈應借

一惜春無賴已經三半床筆夢憑江枕遶砌花評倩
許南此夜落紅頻照酒爲畱青帝且停騾

其二

時以母
壽歸

機杼傷心二十年憐余踪跡浪江天和丸久擬舒眉
際捧檄何時慰膝前幸少白雲懸遠眺愧多黃絹束
新篇一囊穩倩輕帆送明發揚舲豫水邊

時邑中製
錦爲壽

江上寫懷

收拾征帆遶岸行鷓鴣啼出送春聲薰風欲撓歸人
意偏向篷窓作意鳴

其二

軟雲輕褪現西山綠草清漪自往還一幅畫圖閒處
覓天光濃淡不須刪

官洲頭風柳

三疊陽關唱未成狂飈歷亂幾紛更鶯啼紅樹絲敲
斷燕織烏雲葉掃驚青眼易迷宜飲恨綠腰難定總
傷情可能借色衣邊染自在陶庄款送迎

送原以持遊白鹿洞

經年立雪記披裘一艇今飛據上流道印傳薪朝揭

日宸章摘藻夜寒牛毫揮翠滴匡山映墨酒香迷螽
水浮歸到西江秋正爽冰輪高結壯君遊

明妃夢還漢宮

生割紅顏畫裏嬌琵琶淒斷遠山凋心傷鴛枕悲長
漏魂送蓮踪度永宵塞月光凝塵不動邊笳聲悄路
非遙子規一夜啼殘血沁入縈環濕楚腰

其二

離愁訴處減春嬌木落霜零秋半凋薄命終青胡地
草痴腸猶裊漢城宵鸞羈沙漠天原遠鶴返流蘇日

未透喚醒梨雲湘簟煖還疑御臂壓輕腰

大江口舟中贈鄧敬若

初見還疑兩意遐咲談真始識侯巴篋中寶氣憑予
賞猶似臨流對伯牙

敬若出試牘示予
予以窻藝質之

其二

西山靈氣倩君收腕下携來墨瀋流認得翠岩絕勝
地霧籠豹影待旁求

西山有翠岩古剎
敬若居近其地

其三

水面何勞嘆索君素心人共夜無虛一宵針芥篷窻

內却勝聯床讀異書

其四

犧舟文水勝瞻雲愁送歸鴻遠欲分遙憶玉蟾如洗
處一枝還可共芳芬

敬若遊吉水省親
予自章門歸里

陳右常新築墨園泊暮竟過未及一遊悵然有

作

耳熱墨園勝無因問主人竹林驚小雨花徑濕枯藁
頓覺鄉音別何知旅况貧故交三百里魂夢已相親

宿周舍

夕陽西下晚煙斜林木陰翳夜氣遮荏苒居諸愁髮
髮寂寥田圃嘆桑麻啾啾小犬聲侵柝切切寒雞語
似筇獨醉村醪尋夢好任教明月照平沙

過疎山寺

空濛煙樹鎖招提石逕雲封水一溪籬竹經霜青欲
墮山楓着雨絳還迷禪僧榻上頻叅偈過客車中浪
覓題踏遍精藍無片語碧沙寒草共凄凄

贈孫威遠

每共名場對紫芝又從黃絹挹新辭雞壇樹幟風聲

唐鍾牛詩集 卷之一
遠虎座傳經日影移逐電自應逢伯樂高山何故少
鍾期離情滿抱催歸急清夢猶然數訪之

同年彭願君拉遊碧螺峯步壁間振宗和尚韻

貽景明上人

隻履西來費揣摩山靈引我特經過煙籠溪面魚鬢
亂風擊岡頭松籟多放蕩襟期依野崔迢遙瓢笠伴

晴螺鍾峯縹緲歸何處

寺僧原籍金陵

一任閒雲捲逝波

別同年王德宜

落葉停軒客自來一罇畱爲遠人開十年傾蓋心如

結兩夕聯床夢欲回森列圖書徵道氣經營花石識
仙才臨行又訂衝寒約雪裏孤標擁絳梅

東關曉發

逐逐何爲者携裝訪舊遊雖無禾黍怨尚有稻梁謀
書劍歌行李風雲黯敝裘出關晴意好花影倩春畱

鷓鴣船

紛紛娛所欲多半強因人毛羽泥沙賤羈栖歲月淪
饑驅消渴吻飽奪爲貪唇不及南山鳥飛鳴自得真

孫坊

石尤辭我送歸航枯木寒流水一方千里孤踪人有
伴半船清話語初長揚帆早趁波濤遠擊楫空慚髮
髮蒼最如沙汀雙宿鳥幾回天畔得翱翔

章門旅夜傳乾占送酒

秋蛩淒婉怪聲長斗酒貽來琥珀光誰使閒愁驅得
去故交情重足徜徉

其二

皎月亭亭怯睡難戍樓譙鼓報更闌急呼狂藥刪秋
思一枕華胥夢亦安

其三

踈蟬高樹影初肥旅舍聞砧怯薄衣剩有春風仍醉
我誰云青帝已忘歸

其四

綠醴擎將泛紫霞露珠滴滴醉榴花一壺痛飲更初
靜讀罷離騷月正華

其五

賣文雖賤亦無錢客館孤燈祇自憐尚有清罇能戀
客不教寥落夜光前

其六

昂藏三尺竟何爲
酪酊催人意忽癡
豪邁風期君自
好肯携清韵入玻璃

其七

一堂剝啄夜難聽
老向醅醕不願醒
無賴秋花應咲
我也隨風片落閒亭

其八

浩氣嘗從醉裏伸
平分秋色是何人
十年古道鬚眉
在欲買青山共結鄰

其九

六尺匡床自整衾
西風颯颯夜難禁
酒泉漸次將封
我也識先幾早度針

其十

筆硯將焚戀客途
殷勤猶自汲清醑
芳馨細嚼渾忘
倦劍氣雖寒尚可呼

詹鐵牛詩集

于路吟

鰲水詹賢左臣撰

卷之二

東湖晚眺

石梁閒徙倚四望覓秋陰待月雲初淨迎風露不禁
遊魚翻作態歸鷺急何心搔首思無際踈鐘起暮林

夜坐苦熱偶成

羈懷索寞困難支矮屋擡頭夢境迷弱骨凌風仍寄
傲別腸儲酒尚含癡不堪烏鵲鳴三匝且共鷓鴣戀

一枝最怕月圓人有恨孤飛雲嶠故遲遲

舟次友人索畫墨蘭

炎風無恙雪難侵荆棘蠶叢結素心石液漫吞香自
賞月明幽艷出雲林

登滕王閣次壁間余季琛少尹韻

西山仍對面雲物又更新傑構悲前代高文讓古人
荒涼當日讌領察此回真秋水長天句如今幾劫塵

其二

白露飄寒信蒹葭映水新憑臨嗟往事悵望想伊人

丘壑原非假雲煙不掩真憐予屐齒折僅此老風塵

其三

一抹秋初媚殘霞照眼新山光畱過客帆影送征人
水濶魚梭隱沙明鴈字真夕暉啣遠岸駘蕩起微塵

其四

歌舞今何處登臨幾度新標題多後起詞賦少唐人
晚色晴中好秋容淡裏真故吾慙面目無計浣緇塵

北蘭寺雜咏

遊屐誰招到北蘭西風擊袂水漫漫山靈咲我全無

暇七載從容此地看

其二

遠徑尋來竹裏天
陰陰林木自忘年
誰教日影零星照
碎剪秋光滿地錢

其三

詩鐫石版夜光凝
雪苑高懷似野僧
冠蓋南州渾不

亞誰將遺響嗣中丞

雪苑宋牧仲先生開府西江與寺僧澹雪甚契游息其地吟咏

最多

其四

屈曲閒登列岫亭
一江澄碧伴空青
離離落葉敲秋怨
飛入沙汀半杳冥

其五

傲舫雙扉掩不開
一泓池水漬輕苔
編籬苜蓿花零亂
瘦紫殘青印草萊

寺有傲舫居其屋如船

其六

混沌鑿開浸碧霄
潏潏石溜擬叅寥
泉名澹雪真能澹
爲洗詩腸借一瓢

新開石井名淡雪泉

其七

煙江疊嶂已名堂粉壁新描墨浪蒼最怪風聲波上
吼斜吹鴈陣不成行寺有煙江疊嶂堂壁上有羅飯牛水墨

其八

琴艇斜欹綠樹陰沙坡歷落耐追尋憑高一望舒長

嘯恰有松風伴短吟

琴艇亭名

其九

庭蕉垂首半驚秋幾摺飄搖綠暗抽百轉愁心仍待
展尚隨汀蓼鬪輕柔

其十

滕王高閣幾更新一賦難同劫火湮誰識閻公開宴
後風流千古屬綿津宋中丞號綿津山人

旅夜聞笛聲和曲

誰家玉笛倚清平騷屑敲窻透耳鳴韻遶燕梁應有
態响傳鶯榭欲無聲月明子夜歌初接風送陽春調
幾更三弄不知何處是那堪寥落故園情

右軍墨池亭次張鶴潛韻伯韻

半畝無波水自滄春光淘洗印踈櫺草茵散綠芬盈
座石碣流丹韻遶亭舞鳳當年誇絕技籠鶩此日憶

芳型薪傳脉脉泉同沸逸少相逢眼倍青

上橋寺

晴絲搖漾拂春苔踏到祇園法眼開冷榻淒清塵未
掃高樓幽厰客初來青環西竺山千疊碧浸南湖水
一隈自咲俗緣猶戀我肯容屐齒叩香臺

喜晤徐述之

客裏將春送逢君一快然青驢陪白髮紫氣養丹田
已結杏林實長鳴橘井泉殷勤携手處別話總纏綿

遊羊石庵

芳郊閒縱步訪古問招提蹲踞青長好摩挲綠不齊
叅禪頭待點韞玉質同棲未入南宮袖荒榛任品題

羊城旅寓將歸題壁

夏禽徐變月初彎歸夢零星未許閒衛足葵花將破
綠齊腰麥浪尚畱斑荒城歷歷雲綃畔野屋踈踈畫
譜間寄語君停無眷戀客騎今已度天關

舟過金川訪同年李鏊采學博

秋意臨江早犧舟訪絳幃綠芹風捲翠錦莧雨添肥
問字金鐘應傳經玉麈揮畱將春色在柳汁待沾衣

贈徐介庵

介庵爲三韓宦裔候補闈司倜儻有大志工
詩文畱寓東湖乙酉秋余赴棘試止宿其家
遂訂交焉贈詩二首

佳客翻爲主偏餘下榻情抗懷傷往事求友得新聲
月色光中度花香靜裏迎相將談笑處劍氣拂詩城

其二

卜築湖邊好明波印客心千秋畱素業三徑足高吟
鐵騎風前影金笳夢裏音青城聊遁跡終待玉書臨

寄舒雲昭學博

時解綬歸里

頻年臯座擁朝暉三徑催人遂拂衣芹圃有情官獨
冷草堂無恙客將歸秋高鴻鴈凌風遠水息鱸魚激
月肥一曲幔亭愁未唱西山翹首正依依

同戴翔萬原倫重會夢予董天明江樓讌集韻

動亦歸靜

江波逐艇波仍動兩岸排青青欲送高樓宛在水之
湄呼酒臨風風忽縱笑解杖頭錢不惜可怪塗鴉堆
滿壁就中難得素心人今日狂登明日亦清秋燕子

故飛飛晴碧浮江隱翠微揮汗淋漓旣一醉還愁赤
帝歸未歸醅醕莫使瓶之罄浮白揮毫聊道興舉頭
雄嘯吼天風逝者如斯動亦靜

乙酉中秋闈中題壁

濡毫憔悴九經科有命文章喚奈何若使秋風仍妬
我願將蓬華老書魔

其二

射覆從來不可知冬烘頭腦夜深時奎星賺得英雄
老潑墨羞題壁上詩

羊城雪贈程鶴巢

福建建寧
人工詩畫

羊城雪瓦屋錚錚聲切切挑燈枯坐且繙書曲折風
來膚慮裂鑪火難于冷處紅煨殘楮燒仍滅欲睡
不睡有所思七閩遊子心如結作客經年尚未歸拋
荒三徑從何說剩有奚囊詩百篇灞橋驢背梅將洩
故鄉雲物詎等閒海月天風朝暮接我亦蹉跎悞半
生鼓瑟齊門音未歇逢人則人咲不休與我周旋我
自悅香楠亭畔晤詞人筆墨淋漓有枝節彤雲漠漠
碧璘璘意氣肝腸同一潔秃管孤檠各自憐論心未

久又傷別自斟濁酒自話愁與君共賦羊城雪

六邑諸名士邀予入昭武社謝勿往

身隱焉文久自知寧甘蘗屈敢逢時慙無實行堪延
攬僅有虛名動訪諮半世隙駒春易老五更熬火夜
難支風流儒雅群公事畱取波瀾理釣絲

王接三試捷賦長歌誌喜

接三予年兄王德宜之子也

丙戌之冬梅乍吐行李蕭蕭來昭武携裝到處覓居
停矮屋三間仍待補有客倉皇邸板扉開門知是余
同譜廿年裘馬憶長安並轡金臺徒自苦
丙寅予與德宜北上

同寓京邸 億哉鯉夢費追尋面目依然溷儕伍須臾父執

濫稱尊一揖翩翩好弟昆

是日接三同乃弟瀛客過訪

玉筍嶙峋

覘後起固知美秀而能文持衡使者公延訪一鑑高

懸清且朗就中結網耀珊瑚羅織鳳麟歸握掌予亦

從旁問妍媸擊節丹黃豈浪施暗中摸索如操券奪

幟先登正其時

接三出場以試文相質予決其必售

把讀佳文年十九

丁丑予遊金谿德宜番宿書舍得讀接三窻菘予心賞之迄今十年矣

鬚眉老鍊君知

否文章聲價詎云無時命為之自古有淵源家學接

三槐鬪異標新果異才生子當如孫仲謀景升豚犬

何為哉

讀劉前度終天恨集

前度諱銳字靜夫三秦宦裔番禺分宜

孝水悲雲落簡編
摩挲終夜不成眠
愴懷風木應同恨
那有晨昏到膝前

詹鐵牛詩集

京遊紀

卷之一

望湖亭次羅公朗韻

以下兩寅作

豈隨浪跡逐浮萍
偶爾登高過小亭
日落萬家迎夜雨
月明千嶂綴寒星
輕帆隱罩空天碧
細草平鋪遠岸青
回首睢陽忠烈在
願從流水溯英靈

小孤山

擊楫中流逐去鳧
飛來一柱插江孤
幻從水面浮樓

閣巧向波心展畫圖霜冷藤崖鶴夢斷風寒石磴鴈
容枯筆峯秀聳匡廬畔掩映湖天在有無

關山

霜花催客騎高寺曉鐘鳴塵動山全掩苔殘石半傾
亂雲歸鎖鑰踈樹隱逢迎入廟瞻遺像歸然漢室英

都門除夕

旅舍清而古寒檠暗復明方驚殘臘去旋聽早春迎
醉裏添鄉夢閒中亂客情風聲天外吼何日定懸旌

其二

呼盧驚四座寒夜起棲鴉顧我愁調瑟逢君莫嗜痴
擊壺雲霧黯拂劍雨煙斜絳蠟當筵放禿毫尚可花

元宵傳雨人招飲古酣別業

誰遣芳辰醉裏過主人情重儘婆娑光搖別墅銀葩
爛翳掃長天金鏡磨白雪調高花共賞紫瓊聲度鳥
同哦春風坐我應酬句刻燭揮毫付短歌

其二

別是人間一洞天蒲庭花露拂瓊筵簾勾風月書流
韻壁洒煙雲字欲仙卓犖才名空白社縱橫意氣接

青蓮相隨剩有孤龍劍猶記燕門下榻賢

石鐘山

放日憑高閣煙波入畫圖飛濤疑掠燕去舫誤歸鳧
樹老山腰瘦泉鳴石眼枯誰云仙路迥卽此便蓬壺

其二

名藍鐘作字石久自爲靈蠡水全開鏡廬山半列屏
壑深魚解偈林靜鳥談經願借慈雲力春江護遠舡

通遠驛曉發

以下乙亥作

廬山面目近如何驛路空濛一望過遠道俄驚春漸

老歲蕤影裏自煙蘿

東林寺

是處溪名虎臨流溯遠公木池晴日麗石徑淡雲通
握咲存遺響龕燈映落紅悠悠蓮社隱訪古襯詩筒

謁包孝肅公祠

雉堞平鋪水一湖透迤新綠抱江孤鬚眉宛在聲如
響碑碣閒尋蹟未枯剩得丹青存鐵面畱將靈爽漾
冰壺珊珊骨岸誰堪右一咲河清近有無

謁孟夫子廟

繫馬孤城畔三遷跡尚存崔嵬丹壁峙縹緲綠陰屯
道接洙流近人同嶧嶂尊風塵慚面目瞻望一驚魂
同董小白遊內城白塔寺

九載重過御苑橋薰風仍共水痕飄石坡歷落環山
靜古樹菁蔥引逕遙注目鳳城依斗極驚心鸞禁隔
雲霄灑臺咫尺如堪賦爛醉隄糜字一瓢

其二

結綺臨春未足看入天臺榭聳雲端沒堦塵淨輝金
瓦曲沼波明映玉欄魚陣參差菱眼碎燕刀撩亂柳

眉攢憑高幾欲舒長嘯恰有輕風掠素紈

蒲節送曾俊民之洛陽

迢遙花縣正催裝還就菖樽祖道忙欹枕另添遊子
夢折條新繫故人腸燕山榴火明書篋洛水荷風掠
劍囊清酒百壺驪一曲依依無那拂垂楊

六月苦雨同同年彭頤君夜話

火雲收盡夜憑欄堦響愁人心髓酸久蔽蟾光從浙
瀝陡翻龍氣到灑漫鄉思欲度千山夢旅舍同驚六
月寒不耐絺衣堪着冷誰教彈鋏向長安

其二

驀地酒闌人倚欄同人相對各辛酸碎琴韻冷陰霾
障鼓瑟聲乖積霧漫不拽長衾消永漏閒披短褐蔽
輕寒何時却話西山雨秋水當筵吊子安

六月望夜同郭南洲金雪邨孫睿涵戈西田彭

願君飲月分得流字

雨歇天無翳啣盃夜氣幽月臨銀漢皎星傍玉霄流
友韻偏宜醉僧狂自解謳僧覺賢善謳禁鐘催客夢擁被
復何求

南歸畱別董小白

妄尋春色走天涯惆悵秋光又返槎愧我浮名催遠
道羨君文譽滿京華黃金臺畔渾聲價白璧囊中豈
浪嗟一別不難容易恨蓼風梧雨水兼葭

出都畱別王仕昇

兩踏金臺路縑塵許自諳襟期君若此向日我何堪
分手山千疊盟心水一潭願言情不盡芳信託魚函

贈陸濂修

濂修為處實先生令子儼庭先生介弟

萬斛縑塵秋索索潞河一派西風惡有客倉忙問扁

舟殘書幾卷充行橐萍踪江上接詞人一揖歡然道
氣親次第從容凱家世丹山靈鳳碧水鱗讀來制藝

知名宿

濂修以試牘見示

家學淵源清可掬豈羨眉山大小

蘇不數雲間有二陸新劇摩挲一畫長

濂修行篋中携周水持所

撰雙忠廟珊瑚瑛填詞

憂噫愁亂海天蒼曉風殘月同妻怨鐵

板銅絃共激昂鳳鳴先集霏玉屑

濂修以尊人鳳鳴集見示九鼎

一鬻光俎列雖云不朽在文章象賢固自畱心血宛

從側理晤先型大呂非同細響錚小巫一見驚破膽

奴視西崑與竟陵翩翩濁世佳公子塵路鉛華刪不

齒笑談談笑總天真一鶴雞群矯矯矣風聲雨聲上

桅杆薄暑初收生晚寒頗有素心人晨夕高山流水

彈復彈蘭言快接香同嗅去劍離琴秋欲瘦翻愁別

後無長房一水遙分江左右

次陸濂修韻

畫舫堆歸夢揚帆遠附君塗鴉慙鳳字飛鷁近龍文
晚浦遙生月秋江薄有雲送窮無好句詩債竊清芬

夜泊臨清州

羈客臨流夜忽長疎星靜照水容光金波怒吼聲如

唐詩集 卷之一
沸石壁雙環勢越狂
鴈斷漸悲梧葉老
蟬寒暗泣柳條黃
六安有枕難成寐
水面輕風送晚涼

長醉歌爲周茂文賦

宜川周子術岐黃
眼大如箕舌本僵
髻年鐵甲枕金

鎗彎弓霹靂馬蹄忙

茂文曾遊許將軍麾下

酒兵百萬聚其腸

厚壘堅城孰敢當
突然一咲神飛揚
策蹇孤征來帝鄉
長安市上提青囊
說項逢人肘後方
朝餐夕飧耐可忘
垢衣破帽亦何妨
老奴故態依然狂
麴車逢處口流漿
杖頭費盡青帘傍
搜索一空意自傷
一時不

飲頭懸梁一息不飲雞
落湯酖醕那知晝夜長
白眼睜睜口亂張
掀髯大叫衆人場
赤身仰臥夜初央
夢來但覺酒泉香
四明狂客水邊常
碧山道者采石殃
荷鍾者伶誰不亡
窮途阮籍淚相將
古來曠達後先望
千秋一日嗣其芳
醉鄉向若歎汪洋
彼溝者渠海自滄興
欲將身糟丘翔尸
解其中顛稱王督郵
從事漫平章一醒翻
愁天地荒

月夜舟過四女祠

四女以親老不嫁
孝養終身植槐樹
四株後

化龍而女仙去至今祠祀焉

碧天如洗度輕舸說有荒祠砥怒濤玉鏡不懸粧畔
筆金針誰刺嫁時袍稔將風木愁眉黛却任雲鬟損
鬢毛百尺青槐龍化去剩畱貞幹接天高

同陸濂修之姑蘇

此身寧共水雲孤匝月萍踪等去鳧破曉有聲帆遠
送經秋無賴墨空塗芝蘭入座香原契薰蕕同筐氣
絕殊最愛俗痕芟得盡仗携清影到姑蘇

舟過大江擬遊金山不果

大江聲裏罷登臨一望遙披水上襟似葉輕舟依海
岸山靈未許是知音

別陸濂修

陌路憐同調盟心在水湄片帆秋漠漠虛枕夜遲遲
楊柳青難折蒹葭蒼可思只茲千古意向後話前期

閩門旅夜

旅館孤檠夜莫支誰家唱徹過雲竒微風緩度西樓
曲癡絕于鷓入夢時

虎丘

詹錫午詩集 卷之一
余自維揚抵金閶舟過虎丘卽欲攀而上之
陸子曰遊非竟日不可一駐足卽言別豈不
令生公咲人後一日如陸子言自朝瀆暮始
返棹焉因作虎丘遊竟日得詩八首

虎丘遊竟日輕櫓到山門覓徑石痕靜穿林樹靄昏
聯橋多野色虛閣半雲根白袷憑欄處飄風几上屯

其二

虎丘遊竟日閒覓第三泉魚隊因人斷松颺自我妍
石空全蓄露波定小畱天幽賞真成味臨風一快然

其三

虎丘遊竟日平遠尚存堂蘇白遺徽久韋劉引句長
嶙峋山作隊斷續水成行阡陌青如許離離一望蒼

其四

虎丘遊竟日散步可中亭七里塘環碧千人石嘯青
劍池渾作匣講舍尚傳經底事供憑吊龕燈影自熒

其五

虎丘遊竟日試劍說殘碑石劈犀紋斷苔明鳥篆奇
浮屠縹渺迴叠砌短長宜兜率高無際靈山路不迷

其六

虎丘遊竟日花茗伴晴暉泉汲同雲煮烟流引霧飛
鮑秋貪久坐怯暑漫言歸蒲座齊紈舉還疑壞蝶衣
有枝餘玉潤無葉不金芽飄落疑天上携樽問晚霞

其七

其八

虎丘遊竟日酒幔列槐陰不遇當鑪艷何妨睡甕吟
帘搖風作態瓶罄月將臨欲把鸚裘典誰人是賞音

自虎丘發棹之錢塘

夙願剛酬第一山憑橈又聽水潺潺吳舫已送琴樽
遠越舫新招墨浪閒久攢浮沉羈野岸不妨潦倒醉
溪灣懸知灩澦湖頭月特洗清光待客顏

過太湖夜泊吳江縣

鼓枻葑門晝已移尚留夕照影澌澌微茫煙樹秋千
里縹渺江天夜一時逼岸書聲傳矮屋隔溪漁火浸
疎籬真娘墓在方憑遠爲挹清魂酒一卮

錢塘江口月夜看潮

夜色亦何許冰輪送水光浸淫迤遠岸洶湧失全塘
子半胎初結潮頭午正揚循環消長意望處欲神王

吳山

石碣高題第一峰樓臺天半綠茸茸斷橋煙景迷離
夜疑是滄溟蜃氣封

其二

湖清江碧兩悠悠一望都來眼際幽粉壁萬家城郭
內天風碎剪白雲流

西湖覽景詩十首

淨寺望雷峰塔

赤坡纔下豁雙眸

赤坡山下半
里卽西湖

滿鏡寒凝一望秋塔

影倒垂青沼麗權歌平度碧雲流忽來野客忘羈旅
暫歇行踪選勝遊踏破淨慈真法眼木樨香處自相
求

過放生池

箬艇停橈叩板扉石梁斜架綠依依魚翻菱苻全憑
甲鶯宿梧桐半褪衣自在文章羞結撰獨嫌車馬賽
輕肥誰當擺脫緇塵外一棹壺天到息機

湖心亭

曾向閒編憶苧蘿
浣紗人宛在清波
亭前淡掃眉間黛
閣畔明粧額上螺
去國捧心仍躑躅
沼吳簪髻已蹉跎
到來隔斷蘇堤柳
拂拂啼痕長恨多

六一泉

汲泉寒冽水泚泚
六一題名蹟未湮
自是明珠還漱玉
也知靈鑑不生塵
吸雲慣許消殘醉
嚼雪都來認本真
安得龍團烹活火
翛然七椀正通神

登放鶴亭謁林處士祠

子立孤亭傍水開
輕風拂拂暗香來
妻梅不覺衾裯冷
放雀生憐羽翼摧
剩得姓名光俎豆
尚餘碑碣寄樓臺
孤山處士應長在
恰有清流漱碧苔

謁岳王墳

高墳百尺待秋陰
生氣峻嶒耐遠尋
北漠魂消誰蹙宋
東窻計破足亡金
河山有恨心全皎
父子何冤血欲淋
幸得英靈標寸土
千秋猶自蠹青岑

遊昭慶寺宿來畫樓

名藍虛步儘平章
雜沓裙釵禮梵王
巾幘豈諳羞水

鏡袈裟還欲傍霓裳時有遊婦數百與寺僧相逐禮佛風因蕩子頻

迴檻月為閒人屢入觴來畫樓中堪索醉好將白眼

對村粧

鴛鴦塚

錢塘諸生吳錫早歿妻戴氏殉焉並立鴛鴦塚在湖之西

不從別艇抱琵琶長夜相憐手共父埋玉自甘羞易

馬画眉人去忍隨鴉芳魂並倚花仍笑怨塚雙栖月

送華清節只今同逝水饒他鴛夢攪江霞

遊靈隱寺望飛來峯

曲沼透迤竹纜牽維舟緩步草芊綿青空自削環禪

院突兀猶奇闢洞天八面細穿人影碎千岩低喚鳥

聲懸固知鬼斧傳靈幻一任飛來漫紀年

冷泉亭

一泓澄碧淨無泥却濺嶙峋石齒齊誰鼓笙竽秋瑟

瑟自搖環珮夜淒淒餐將秀色湘妃舞冷到寒心洛

女啼林木陰陰渾染翠素波遙度六橋西

武林旅寓中秋苦雨

西風搖落滿輪秋驟雨無端解送愁昨夜月華還注

想雙峯明麗入層樓

其二

夕照停山暝色昏
鮫鮪歷歷遍江屯
崎秋昨醉梅花

嶼林下何人更舉罇

十四日飲湖
上梅花嶼

其三

江鮮野蕪夜燈前
簷溜淒迷止自憐
碧藕漫勞消渴
吻解醒應媿冷山泉

其四

濁酒頻斟雨滴堦
迢迢銀漢隔陰霾
麗華此際歸何
處應悔朦朧碎玉釵

其五

遊船簫鼓暮歸遲
坐守良宵月一卮
何意浮雲呼不
去掩扉愁聽雨祁祁

其六

持螯緩咽謝居停
風掃銀缸戶半扃
此段沉埋無可
說醉中還自擊青萍

望潮

素練橫天末奔騰
不記程螭珠隨浪碎
鶴鬣覆波明
海氣連江影雲容亂
水情魚蝦慚溷跡
何日樹澄清

登探真亭

峻峻石磴鎖雲扃蒼翠畱人眼倍青碎瓊花容迎曲
檻玲瓏竹韻遶孤亭遠江嵐湧帆歸岫峭壁烟銷画
列屏玉磬一聲何處靜焚香應與誦黃庭

歸舟憶湖上

江上峯青塔影圓遙看三竺海雲邊白公祠畔苔將
老蘓小墳頭草尚芊舊夢十年消眼角新愁頃刻上
眉巔勾留忽憶香山句拽起歸帆意惘然

過釣臺謁嚴先生祠

盛世容高躅倏然一釣竿風來山可破石響水能彈
軒冕泥塗賤瓢簞歲月闌白雲蒼狗外尚有客星寒

其二

富春雲際綠靈石聳雙臺屈曲松蟠壑離披草覆苔
誰云天子貴爭似故人來會得羊裘意江聲自往回
常山道上曉發

一天猶露氣淡淡濕平沙村落扉仍掩鄉關路尚遐
青山難覓徑白眼自成家打疊黃花咲餐英漱齒牙
夜泊沙溪聞琵琶

幽懷不自秘，淒響入窻來。
激指聲多澁，安絃韻帶哀。
明妃傳舊恨，賀老發新裁。
一水蒼涼甚，青衫濕幾回。

舟過叫岩寺

寺側爲費
相公墓道

冷雨孤帆返棹輕，遙天乍放晚霞明。
一痕隄徑岩花寂，四照寒流岸蓼晴。
若爲秋客依梵刹，不堪夜色起荒塋。
豐碑屹處尊元老，世上于今有大名。

